

INS-A003-STUDENT HAZING, HARASSMENT, INTIMIDATION, BULLYING, CYBERBULLYING, MENACING, AND TEEN DATING VIOLENCE

KAPASEN EMWEN SENI EWE CHÓN WISEN NEMENI

FÉFFÉRUN

MANNAPEN PWORÓUS

Ewe Kinikin Sukuun Salem-Keizer mei achocho ne awora ew nenien kääö ia chón sukuun repwe tongeni kääö me chóni ekkewe mwékütüküt ikä urumwot ei kinikin mei awora monian, ia ese wor ekkei sókkun féffër nón, ren chóweän echimwa ikä eriäni, osukosuka, eniwokusu ikä enniwa, afani, afani wón kompiuter, me kawet mei fis nón än seräfé nefin.

ÄWEWEN FÓÓS

District - Kinikin

Ekkewe iimw, pwünün ewe kinikin, me ekkewe neni esapw fēnūwen ewe kinikin nge ewe chon sukuun mei nomw won ren an fiti ew urumwot mei kawor monian seni ewe kinikin, ew prokram ikä sukuun ewe kinikin mei mwutatä, ren chóweän field trips ikä atun urumwot nupwen ekkewe chón sukuun iir mei nómw fän nemenien ikä emwenien ewe Kinikin.

Third Parties - Ew pwan pekin me nükün ekkewe ruu pekin

Ikkeir ekkóch: ekkewe aramas esapw chón ewe kinikin iir mei nómw nón än ewe kinikin kewe fansoun ikä urumwot mei wor okkuf nón, pachonong ekkewe chón kait, volunteer, sam me iin, wasēna me ekkewe chón angang fän ew etipe-ew pwe repwe angang ngeni ei kinikin.

Hazing - Echimw ikä Eriäni

Ikkei wewen, nge esapw chék ikkei, ew poomw mei efeiengaw ikä efeiengawa nónómwün ekiek, me nónómwün inis ikä tümwünün ewe chón sukuun ren ar repwe wanong me ikä ina ew anen an epwe tonong ikä chóni ew mwékütüküt mei kawor monian seni ewe kinikin ikä fen tori ekkewe grade level requirements (äwewe chék, echimwa ikä eriäni an epwe angang ngeni ikä fēri än chón ewe kūmi angang, echimwa ikä eriäni an epwe tipitipin pomwen nisou, echimwa ikä eriäni epwe wün ekkewe minen wün mei efeiengaw ngeni inis ikä manaw, arukor ikä mei pwich, säfei ikä ekkewe säfei mei ëükük ünnün ikä ënnük, echimwa ikä eriäni an epwe nómw nükün nón ngawen weather nge esapw pwan wor met epwe pwēnū ngeni inisin, echimwa ikä eriäni an esapw nónómw nein chienan ikä an famini, atatakisi ar mēür ikä ekkóch angangen echimw ikä ekkeriä mei osukosuka nónómwün än ewe chón sukuun ekiek me pēchēkūnen inisin ikä tümwünün); echimwa, eriäffou, mwutatä ewe emēn an epwe äeä ikä uwei och pisek ikä taropwe mei enniopot ikä ässāw; ikä fēri ekkóch chūngaw ikä ekkóch féffër mei äsāw ikä äkkāpi. Ikä mwo emēn chón sukuun mei tipe-ew ngeni féffērūn eriäni ikä echimw, ewe aramas e poputāni ne akkóta ewe féffērūn eriäni epwe chék fokkun tipis ren an atai ënnükūn sukuun.

Harassment, Intimidation, Bullying - Osukosuka, Enniwa, Afani

Ese nifinifin sókkun féffër mei kon nien osukosuka än emēn chón sukuun kääö, mei fis won pwünün ewe sukuun, ikä wón ewe neni ünükūn fēnūwen ewe sukuun, ikä nón ekkewe urumwot ewe sukuun mei awora monian, wón ekkewe sein sukuun ikä nón ekkewe nenien sousou sein sukuun ikä bus. Osukosuka, eniwokusu me afani emēn aramas, mei tongeni epwe faniten nónómwün, nge esapw chék ina, me ikkei met epwe fis:

- Efeiengawa inisin emēn chón sukuun ikä atai pisekin
- Sinei ikä akkóta an epwe efeiengawa ewe chón sukuun ikä atai pisekin; ikä fen
- Fēratā an ew nenien kääö epwe oput aramas, ussun chék ren osukosuka manawechun än ewe chón sukuun ekiek.

Cyberbullying - Afani wón Kompiuter ikä wón äsepwän

Nēünēü ekkewe mechän aporóus mei fifi fāniten epwe osukosuka, eniwokusu ikä afani emēn ikä iē. Anen aporóus mei fis nükūn pwünün ewe kinikin nge mei osukosuka me eppetī tümwünün ewe nenien kääö me angang mei pwan tik nón afani wón kompiuter ikä ekkewe pisekin apworóus mechā fifi.

Menacing - Eniwokusu, Enniwa

Ese nifinifin sókkun föfför emën mei fen akkóta ikä sinei an epwe fëri ngeni emën chón angang, chón sukuun, ikä ekkewe pekin ar repwe wessen nuwokus pwe feiengaw epwene fis ngenir.

Dating or Dating Relationship - Nefin (an at me nengin mwinemwin)

Ew tong nefinen rüemën kämwet a seni chëk nóómw. Esapw en sókkun nefin ren ririn pwipwi ikä sisinefengeni emën me emën nón nenien angang ikä nón nenien kukkunow fengen.

Kawet ikä Fitikoko nón än seräfö nefin (mwinemwin)

Sókosókun emën aramas mei chëk fëri me fëri iteitan ren an epwe eriäffëü inisin, ekiekin, me memefin emën aramas ren an epwe nemeni; me ikä sókosók emën aramas mei sókosókuni ikä apasa an epwe eriäffëü ikä echimwa an epwe nisou ngeni ewe mei wor ar nefin fengen, me iir me rüemën mei ierini 13 ngeni 19 ier.

Domestic Violence - Fitikoko ikä Kawet nefinen pwüpwünü/famini

Fitikoko nefinen famini me chón nón ewe iimw, ussun met mei affat nón ewe Oregon Revised Statute 107.705.

Protected Class – Ew Mwichen Aramas Irr mei Tümwün me Fän Nürün Ënnükün Mwunap me Mwuun

Ina wewen na mei äwewetiw nón na Oregon Revised Statute (ORS) 339.351(3): Ew mwichen aramas ir mei sókkonó ikä weweiti pwe iir mei sókkonó ónóngónóng wón sókkur, ënüwen ünücher, namanam, fefin ikä mwän, nónómwun met emën e sani (mwän are fefin, ikä iir me ruu), met emën e mefi pwe ii (fefin, mwän ikä iir me rru), seni menni mwüü, pwüpwünü ikä nipich, nónómwün famini, anen moni tonong ikä tufichingawen inis.

Sexual Orientation

Met än emën sani epwe Nisou ngeni: mwän sani fefin, ika fefin sani mwän (mwän ngeni fefin, fefin ngeni mwän), pusin tipeni an gender (mwän pwüsin sani mwän, fefin pwüsin sani fefin), sani ese nifinifin (mwän sani me ruu (mwän ngeni mwän, pwan mwän ngeni fefin), fefin sani me rru, (fefin ngeni mwän, fefin ngeni fefin).

Gender Identity

Än aramas mefi me pwäranó ussur mei sókkonó seni metewe re uputiw fan (nengin ikä ät).

Retaliation (Angei katakin ikä niwini ngeni emën met e fëri)

Ese nifinifin fëffërün efeiengaw, ussun chëk ren echimw ikä eriäni, osukosuka, enniwa ikä afani, mesäni, ikä afani wón kompiuter ngeni ewe aramas mei feiengaw, ewe e wisen otutur ikä aninis nón ewe angangen chosa fäniten fëffërün eriäni, osukosuka, enniwa ikä afani, mesäni, fëffërün afani wón kompiuter ikä wón ekkewe ekkóch anen kukkunow fengen wón asepwän, me ikä angei katakin.

ËÜRËÜR

1. A men ëüchea än chón sukuun repwe manaweni ew sókkun manaw epwe anisatä mwurinnën ew nenien käeö.
2. Ese fokkun mwumwutä än chón sukuun, chón angang, ikä ekkewe pekin repwe Eriäni, osukosuka, enniwa ikä afani, mesäni, kawet ikä echimw nón än seräfë nefin, me pomwen afani wón kompiuter ikä wón äsepwän ngeni chón sukuun.
3. Ese nifinifin otutur wón fëffërün eriäni, osukosuka, enniwa ikä afani, mesäni, kawet ikä echimw nón än seräfë nefin, ikä pomwen afani wón kompiuter epwe tori ewe chón tümwünü ewe sukuun, me epwe muttir fëri an angangen chosa wón nón ewe chëk atun a angei, ónóngónóng wón ewe ótóót mei fër seni ewe Superintendent.
 - a. Ese nifinifin ië chón angang mei sinei ussun ew fëffër mei atai ei ënnük epwe muttir repotei ngeni ewe chón tümwünü ewe sukuun, a wisen mesemes wón angangen chosa meinisin.
 - b. Ikä emën chón angang ese esinesin ngeni ewe chón tümwünü ewe sukuun ren ese nifinifin fëffërün eriäni, osukosuka, enniwa ikä afani, mesäni, kawet nón än seräfë nefin mei tongeni epwe angei ëpwüngün, mei tongeni an epwe tou. Angangen ëpwüngü esapw chëk nong wón ekkewe otutur ese fat iten ië e fëri.
 - c. Mei pesepes ngeni ië chón sukuun ese pwan nifinifin an epwe muttir repotei meinisin fëffërün afani, osukosuka ikä atai ei ënnük ngeni ewe chón tümwünü ewe sukuun a wisen mesemes wón angangen chosa meinisin.

- d. Ese nifinifin ië mei volunteer nón sukuun mei sinei ussun ew feffër mei atai ei ënnük epwe mwüttir repotei ewe osukosuk ngeni ewe chón tümwünü ewe sukuun, ewe a mesemes wón angangen chosa meinisin.
 - e. Emën chón sukuun ikä chón volunteer mei tongeni fëri an otutur nge esapw pwan pwäri itan. Emën chón sukuun ikä chón volunteer mei pwan tongeni repotei ewe osukosuk ngeni emën sense ikä counselor ewe epwe wisen esine ngeni ewe chón tümwünü sukuun.
 - f. Otutur fäniten ewe principal epwe katonong ren ewe pütäin Human Resources ikä ren ewe Superintendent.
 - g. Otutur fäniten ewe Superintendent epwe katonong ren ewe a emweni ewe School Board.
 - h. Ese nifinifin ië chón angang, chón sukuun, ikä pwan emën seni ekkewe pekin e eitengwa emën ren an mochen angei katakin met e fëri me ikä echëk mochen eriäni, osukosuka, enniwa ikä afani, mesäni, kawet nón än seräfë nefin, ikä mesäni wón kompiuter, epwe angei niwinin met e fëri ikä emmiriti ngeni met mei pwüng ngeni.
 - i. Ikä pwe ewe otutur fäniten eimwumwu ikä ekkewe esisinen koput, iwe ewe chón tümwünü ewe sukuun epwe fëri ekkewe tetten mei makketiw nón ewe policy ADM-A012 – Bias Incidents and Symbols of Hate.
 - j. Ewe principal epwe këri nëün ewe Kinikin we Title IX Coordinator ikä pwe ewe otutur fäniten ewe sórósór mei atai ewe Title IX.
4. Ewe chón tümwünü ewe sukuun fengen me kókkótun, epwe këri inen me semen ewe chón sukuun mei feiengaw ren ekkei feffërün eriäni, aosukosuk, enniw ikä afani, mesäni, kawet me echimw mei fis nón än seräfë nefin, ikä afani wón kompiuter, me pwan esinesin ngeni inen me semen ewe chón sukuun a wisen fëri ngeni ekkei feffër, ónóngónóng wón ewe ótóót INS-P006 – Investigating Reports of Student Hazing, Harassment, Intimidation, Bullying, Cyberbullying, Menacing, and Teen Dating Violence.
 5. Ikä pwe a pwüngünó pwe feffërün emën chón sukuun mei atai ei ënnük, iwe epwe angei pwüngün met epwe fëri me sókkun feffërün emmirit mei mwürinë ngeni an epwe äwena, ussun chek ren an epwe angei ëpwüngün ónóngónóng wón än ewe kinikin kewe ënnükün me napanapen emmirit fäniten chón sukuun.
 6. Ikä pwe e pwä pwe feffërün emën chón angang mei atai ei ënnük, iwe repwe angei niwinin mwurin ar atai, minne mei tongeni ngenir ar repwe tou seni ar angang.
 7. Ikä pwe e fat pwe ekkewe pekin re atai ei ótóót, iwe repwe angei niwinir mei weweöch ngeni ussun met mei pwüngünó me katou meren ewe Superintendent.
 8. Mei pwan tongeni än ponis repwe angei chón sukuun, chón angang me ekkewe pekin.
 9. Ese fokkun mwumwutä än emën epwe angei katakin ikä efeiengawa ese nifinifin ië aramas mei fen feiengaw, e wisen otutur, ikä nükü pwe e wisen fëri ewe otutur, ikä awora an nanangaw ikä fen nómw nón ew chosa fäniten ekkei feffër ren eriäni, aosukosuk, enniwa ikä afani, mesäni, kawet me echimw nón än seräfë nefin, ikä feffërün afani wón kompiuter. Ië aramas e fëri an epwe angei katakin met emënewe e fëri, epwe angei ëpwüng mei wene ngeni met ewe e fëri.
 10. Emën aramas mei tongeni wanong nëün taropwen tungór ngeni ewe Superintendent ren än ewe Kinikin epwe katon ekkewe mwëkütüküt ewe chón angang e fëri nón an pënúweni ikä chosani ew otutur. Ekkewe tungór epwe tourunong nón ükükün 10 ränin angang seni ewe ótun a tori ewe aramas pwüngün ewe chosa.
 11. Pworóusen angangen eppet me ifa ussun än chón sukuun me chón angang repwe pënúwen ngeni feffërün eriäni, osukosuka, enniwa, afani, afani wón kompiuter, mesäni, kawet nón än seräfë nefin me kawet nón famini epwe chëk pachonong nón ar ekkewe ótóóten kääö.
 12. Wisen ewe Superintendent an epwe ënükünükü pwe ei esinesin ren ei ëürëür ikä ënnük epwe kawor nón nëün chón sukuun me chón angang handbook iteiten ier, me pwan wón än ei kinikin we website, me pwan nón än sukuun me än ei kinikin kewe ofes. Echë taropwen ei ótóót esapw kisi sais 8.5" x 11" epwe pächetä nón ekkewe Middle School me High School.

13. Ussun met mei pesepes me nön ORS 339.368, ekkewe chassi ikä poster mei kawor seni ewe Pütäin Sukuun nón Oregon fäniten kawet nón famini epwe pachetä ia epwe pwääch me ia me nón ewe imwen sukuun.
14. Ewe Kinikin a äeä ew ótóót ikä ännük mei imwunó fäniten Sexual Harassment (Osuföngawa inisin Emën -mwännin fëffërün nisou).
15. Wisen ewe chón tümwünü ewe sukuun me ewe Meinap (Superintendent) ar repwe ännükünükü pwe ei ännük epwe emwekut.

IË MEI KÜ EI ÄNNÜK IKÄ NAPANAP

- Ei ännük ikä napanap mei kü meinsin chón sukuun, chón angang, chón ewe school board.

EKKewe TAROPWE MEI RIRI NGENI EI ÄNNÜK IKÄ NAPANAP

- INS-P006 – Investigating Reports of Student Hazing, Harassment, Intimidation, Bullying, Cyberbullying, Menacing, and Teen Dating Violence
- ADM-A012 – Bias Incidents and Symbols of Hate
- HUM-A029 – Sexual Harassment

A KËPWÜNGÜNÓ SENI

- Human Resources

PWORÓUSEN AN A WOR EKKESIWIN

- 07/11/2022 – Ännük a fër me këpwüngünó
- 12/06/2024 – Siwin ngeni ew template mei mecheres me ännükünükü pwe mei fiti pwüngün ORS 339.356
- 03/26/2026 – Pachenong äwewen me esinesin ngeni ewe Title IX Coordinator